

հոն կտորվին հայերեն, տաճկերեն, ֆրանսերեն, անգլիերեն, գերմաներեն, սլավերեն, եբրայերեն, թուաբանություն, տրամաբանություն, պատմություն, աշխարհագրություն, կրօնագիտություն, գծագրություն, երաժշտություն, բնագիտություն, քիմիաբանություն, փիլիսոփայություն, մարմնամարզություն, հոգեմարզություն. հոս ընթերցանությունը իրենց մօրն արգանդին մէջ կ'ուսանին: Թաղեցին իւր վարժարաններուն այս հրաշալի յառաջադիմությունն պարտաւոր է Ուսումնական Խորհրդոյն, որ բնաւ հոգ չըներ նոյն - իսկ եթէ աչերովն ալ տեսնէ, որ մսավաճառ մը վարժարանի տնօրէնություն կամ հոգաբարձություն կ'ընէ:

Ժողովուրդը մեծ մասամբ տգէտ է, եւ տգիտութիւնն պաշտպանութիւն գտնելով՝ օր ըստ օրէ յառաջ կ'երթայ: Եթէ այս վարժարանին մէջ գիտութեան տեղ տգիտութեան դասեր աւանդուէին՝ առաջին կարգի վարժապետանոց մը կ'ըլլար տգիտութեան:

Իրենց վիճաբանութեան եղանակին վրայ թեթեւ գաղափար մը տալու համար՝ կհրատարակենք հոս վիճաբանություն մը, որ երկու հոգւոյ մէջ տեղի ունեցած է.

—Բարեկա՛մ, այս տեսուչն մեր գաւակներուն ապագայն կսպաննէ:

—Ո՛չ, այս տեսուչն մեր գաւակներուն ապագայն կշինէ. երէկ *լալընճի* Ահմէտ աղան վարժարաններու այցելություն մը ընելով՝ շատ գոհացուցիչ գտեր է զանոնք:

—Բայց երէկ *սօզաճի* Տիմիթրօն կպնդէր, թէ այդ մարդն այդ պաշտօնին մարդ չէ:

—Սխալ է, *սօզաճին* կիրք ունի մեր տեսուչին դէմ, որ իրիկուններ *սօզա* չիմէր:

—Խորհուրդ մը ընենք եւ սա տեսուչը փոխենք. մեղք է մեր գաւակներուն:

—Ատանկ բան չըլլար, դուն քու նստած խանութիդ վարձքը չես կրնար վճարել եւ կելնես ազգային գործերուն մէջ կմտնես:

—Ես քեզի պէս ուրիշին իրաւունքը չեմ ուտեր, դուն ինձի աղէկ նայէ՛:

—Բերանդ ժողվէ՛, հիմա աթոռը գլխուդ կիջեցնեմ, հա՛ անպիտա՛ն:

—Դուն ալ ասկէ վերջը եկո՛ւր տէ, մեր տունէն կնկանդ համար *շապիսա* առ:

—Անցեալ շաբթու չէ՞ր որ երկար *բանթալօնս* առիր եւ Քարակէօմրիկ ուխտի գացիր: